

Headline	KPPK perluas perkongsian kepakaran dengan negara sedang membangun		
MediaTitle	Utusan Borneo Sabah		
Date	17 Sep 2022	Color	Full Color
Section	General News	Circulation	11,223
Page No	3	Readership	33,669
Language	Malay	ArticleSize	207 cm²
Journalist	Gambar Bernama	AdValue	RM 841
Frequency	Daily (EM)	PR Value	RM 2,523



KPPK perluas perkongsian kepakaran dengan negara sedang membangun

Dalam usaha memanfaat kepakaran dimiliki negara berkaitan industri kayu-kayan

JASIN: Kementerian Perusahaan, Perladangan dan Komoditi (KPPK) akan memperluas pertukaran dan perkongsian teknologi dengan negara-negara sedang membangun dalam usaha memanfaat kepakaran dimiliki negara berkaitan industri kayu-kayan.

Menterinya Datuk Zuraida Kamaruddin berkata usaha itu, termasuk dalam bidang penyelidikan dan pembangunan (R&D), makmal, pengurusan dan penggunaan sumber hutan secara mampan, selain teknologi meliputi penggunaan peralatan atau mesin terkini.

"Kita mempunyai agensi seperti Majlis Kayu-Kayan

Malaysia (MTC) dan Institut Penyelidikan Perhutanan Malaysia (FRIM), yang sememangnya mempunyai kepakaran merangkumi pelbagai perkara dalam bidang ini dan mempunyai pengalaman lebih 50 tahun.

"Kita telah pun memulakan langkah ini dengan beberapa negara seperti India, Bangladesh, Pakistan dan India, yang memberikan kerjasama menggalakkan dan ini juga dilihat mampu menjadi unsur kepada pendapatan negara," katanya.

Beliau berkata demikian ketika ditemui pemberita pada Program Penanaman Pokok sempena Bulan Kebangsaan dan Hari Malaysia 2022 di Stesen Penyelidikan FRIM Selandar di Jasin, semalam.

dan Hari Malaysia 2022 di Stesen Penyelidikan FRIM Selandar di sini semalam.

Pada program itu sebanyak 30 spesies pokok ditanam seperti kenanga, merawan sifup jantan, janda merana, kasai, kayu manis, cermai bida, petai, belimbing buluh, belimbing madu, bakau dan eucalyptus pellita.

Zuraida berkata industri perkayuan negara terus mencatatkan perkembangan positif, dengan peningkatan permintaan eksport ke luar negara biarpun berdepan pelbagai cabaran seperti rantaian bekalan, ketabilan ekonomi dan sebagainya. — Bernama



KEARAH BUMI HIJAU: Zuraida (kiri) meletakkan tanda nama pada anak pokok merbau pada Program Penanaman Pokok sempena Bulan Kebangsaan dan Hari Malaysia 2022 di Stesen Penyelidikan FRIM Selandar di Jasin, semalam. — Gambar Bernama